

10 Ngā kaipakihi Māori

Ngā rangatira pakihi Māori

Mahere wātū

Ngā karere matua

- He nui ngā pakihi Māori e angitu ana.
- He maha ngā arawātea aramahi māku kei ngā pakihi

Te raupapa wātū

1. Whakarāpopototia tā ngā rangatahi i ako ai i te wātū 9 mō te wāhi o ngā pakihi ki te ōhanga. Pātaitia rātou he aha ki ō rātou whakaaro te rahi o te whai wāhi o ngā pakihi Māori te ōhanga o Aotearoa.
2. Whakamōhiotia ngā rangatahi ki te Pūwhakatere Aramahi Tahatū. Whakaaturia ngā whakaaro aramahi kaupapa Māori ki a rātou me te pātai atu ka taea pea te noho hei rangatira, hei kaiwhakahaere hoki o tētahi pakihi mā te whakatinanatanga o ēhea. Ka taea e rātou ētahi pakihi te whakahua kei roto ko ngā whakaaro aramahi kaupapa Māori?

Te tauwhaiwhai pakihi

3. Whakaaturia ngā pānui whakaahua tauwhaiwhai pakihi. Tonoa ngā rangatahi kia tāpiri tauira o ngā pakihi puta noa i ia wāhi (ka āhei hoki te whakamahi i ngā pakihi kua tautuhia i runga).
4. Whakaaturia ki a rātou te wāhanga Tirotiro Mahi mā te kawai o Tahatū. Tonoa rātou kia tautuhi i te kawai (ngā ahumahi) mō tētahi tauira pakihi, mō ētahi tauira pakihi e rua rānei. (Hei tauira, te hoahoa kākahu, te tāpoi, te hanga whare, te kai, te whakawhitiwhiti whakaaro.)

Tauomaoma tauwhaiwhai pakihi

5. Whakarōpūhia ngā rangatahi kia tokowhā, kia tokorima ranei ki ia rōpū. Ka kōwhiri ia rōpū i tētahi kaioma hei kanohi mō rātou. Pānuitia he ingoa pakihi mai i ngā tauira, ka tono i ngā rōpū kia tuhi i te ahumahi e hāngai ana ki taua pakihi. Ka oma te kaioma tuatahi ki te tapanga tika (ā-takiwā, ā-motu, ā-ao rānei) ka mahi i tētahi mahi e whai pānga ana ki taua pakihi. Ko te kaioma tuatahi ka tika tana mahi i te mahi me te whakaingoa i te ahumahi, ka riro māna he piro. Kia haere tonu kia oti rā anō te mahi e ia kaioma.

Ngā āheinga aramahi matua

Me tūhura me te hōpara ngā kōwhiringa me ngā huarahi aramahi ka taea.



Ngā pātai matua

He aha ētahi tauira o ngā pakihi?

He aha te tikanga o te noho angitu i tētahi pakihi?



Ngā rauemi tautoko

Kaiārahi PowerPoint 10

Rauemi kaiārahi: Aratohu mahinga Tauwhaiwhai pakihi

Ngohe rangatahi: Ngā pānui whakaahua Tauwhaiwhai pakihi

Ngohe rangatahi: Puka tono Tohu Pakihi Māori Pai Rawa

Ngohe rangatahi: Te mahere kōkirikiri ā-paepori Whakatairangatia Tō Pakihi!

Ngohe rangatahi: Mahere mahi aramahi Whenua (Wātū 8)

[Pūwhakatere Aramahi Tahatū](#)

[Ngā whakaaro aramahi kaupapa Māori](#)

[Whakatōmene whakaaro aramahi](#)



Roanga

50-60 meneti

10 Ngā kaipakihi Māori

Ngā rangatira pakihi Māori

Mahere wātū (e haere tonu ana)

Kairoro tere tauwhaiwhai pakihi

6. Ka whakautu ngā rōpū i ngā pātai kairoro tauwhaiwhai pakihi mā te pēhi i te wheowheo ā muri i te pānuitanga o te pātai. Tērā pea he maha ngā whakautu tika ka taea mō ētahi pātai. Kia 2 ngā piro mō ia whakautu tika. Ko te rōpū kei a rātou ngā piro nui rawa te toa.

Ngā pātai kairoro

- He uara hira ki te Māori te manaakitanga. Ka taea te whakaingoa tētahi pakihi kei tō rohe e tautoko ana i ngā tāngata me nga hapori o reira?
- Whakaingoatia kia toru ngā āhuatanga o te pakihi angitu.
- Whakaingoatia kia toru ngā pakihi e uara ana i te taiao.
- He aha ngā tāngata e tīmata nei i tētahi pakihi?
- Homai kia toru ngā pūkenga e hiahia ana pea koe ina tīmata, ina whakahaere ana rānei i tētahi pakihi.

Te Tohu Pakihi Māori Pai Rawa me Whakatairangatia Tō Pakihi!!

7. Kī atu ki ngā rangatahi ka āhei rātou ināianei te whakaaroaro kia nui ake ki tēnei mea te noho hei rangatira pakihi. Ka āhei te kōwhiri i tētahi o ngā pakihi i te Tauwhaiwhai pakihi, i tētahi atu rānei, te whakawhanake rānei i tō rātou anō.

Kia oti rā anō tēra, ka āhei rātou te whakakī i te puka tono Tohu Pakihi Māori Pai Rawa, te mahere kōkirikiri ā-paepori Whakatairangatia Tō Pakihi! ranei.

Kia oti ngā puka te whakakī, whakahuitia anō ngā rangatahi me te kōrerorero:

- He pēhea ki a koe te noho hei rangatira pakihi?
- He aha ngā pai ki a koe? He aha pea ētahi uauatanga?
- He pēhea ngā pakihi e whakaatu ai i ngā mea hira ki a rātou?
- He aha ki a koe ngā hua o te pakihi angitu?

Ka rerekē ngā whakautu. Whakatītinatia ngā kōrerorero me te huritao ki ngā whakautu.

8. Tonoa ngā rangatahi kia whakaoti i te wāhanga Te awa o tā rātou mahere mahi aramahi Whenua.

Rangatahi Futures

Tō tātou wāhi ki te ohanga 10. Ngā rangatira pakihi Māori

Ngā rauemi kaiārahi: Ngā mahere wātū, Aratohu mahinga Tauwhaiwhai pakihi

10 Ngā kaipakihi Māori

Ngā rangatira pakihi Māori

Rauemi kaiārahi: Aratohu mahinga Tauwhaiwhai pakihi

Ngā pānui whakaahua Tauwhaiwhai pakihi

I mua i te whakariterite i tēnei ngohe me rangahau i ngā pakihi ā-takiwā, ā-motu, ā-ao hoki. Ā muri i te tanga o ngā pānui whakaahua, hoatu he ingoa pakihi ki ērā hei tauira tīmatanga mā ngā rangatahi, me te tāpiri i tētahi whakaahua tā o tō rātou tāone, rohe rānei ki te pānui whakaahua.

E oti ai tēnei ngohe, me hono atu ki te Pūwhakatere Aramahi Tahatū, taea noatia ngā whakaaro aramahi kaupapa Māori me ngā wāhanga Whakatōmene whakaaro aramahi.

ā-Ao

Tāpiritia kia rua, kia toru rānei ngā tauira pakihi Māori e mahi ana i te mākete ā-ao. Ka kitea he tauira o aua pakihi i ngā rāngai whakanao, whakangahau, ahuwhenua me te ahumāra.

ā-Motu

Tāpiritia kia rua, kia toru rānei ngā tauira pakihi Māori e mahi ana ā-motu. Ka kitea he tauira o aua pakihi i ngā rāngai hanga kākahu, whakawhitiwhiti kōrero, hanga whare me te pūngao, i ngā pakihi tuihono rānei.

ā-Takiwā

Tāpiritia kia rua, kia toru rānei ngā tauira pakihi Māori e mahi ana i ō rātou hapori. Ka kitea he tauira o aua pakihi i ngā rāngai tāpoi, ngā kai me ngā inu, me te hauora me te mātauranga.

Ngā tauira o ngā momo ahumahi pakihi (Whakatōmene whakaaro aramahi Tahatū)

- Ahuwhenua
- Hoahoa kākahu
- Ngā whakawhitiwhiti kōrero
- Hanga whare
- Hoahoa matihiko
- Pūngao
- Whakangahau
- Ahumoni
- Ngā mahinga hī ika
- Ngā kai me ngā inu
- Ahumāra
- Manaakitanga
- Hanga rori
- Hāereere
- Ngā tauwhititanga ā-waea
- Tūnuku

Rangatahi Futures

Tō tātou wāhi ki te ōhanga 10. Ngā rangatira pakihi Māori

Ngā rauemi kaiārahi: Ngā mahere wātū, Aratohu mahinga Tauwhaiwhai pakihi